



Broj: 01-07-4-906-8/16/APP
Sarajevo, 13. 10. 2016. godine

BOSNA I HERCEGOVINA
VIJEĆA MINISTARA
Generalni sekretarijat
n/r g. Zvonimir Kutleša, generalni sekretar

PREDMET: Prijedlog dopune obrazloženja na poslaničko pitanje, dostavlja se.-

Predsjedateljica Zastupničkog doma Parlamentarne skupštine Bosne i Hercegovine, gđa Borjana Krišto u skladu sa članom 167. i 170. Poslovnika Zastupničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), aktom broj: 01-50-1-15-27/16, od 23. 3. 2016. godine, uputila je pitanja zastupnika Nikole Lovrinovića Ministarstvu za ljudska prava i izbjeglice Bosne i Hercegovine.

Gospodin Nikola Lovrinović, zastupnik u Zastupničkom domu Parlamentarne skupštine Bosne i Hercegovine, postavio je Ministarstvu za ljudska prava i izbjeglice BiH sljedeća pitanja:

1. Da li postoje mogućnosti da se Ministarstvo za ljudska prava i izbjeglice Bosne i Hercegovine uključi u rješavanje obnove stambene jedinice u zgradi kolektivnog stanovanja interno raseljenih osoba gđe Nevenke i g. Branka Filipovića kao i ostalih sličnih slučajeva u BiH?
2. Da li je u slučaju gđe Nevenke Filipović i g. Branka Filipovića došlo do kršenja ljudskih prava i, ukoliko je do toga došlo, šta se može poduzeti da bi prava ove stranke bila ispoštovana, odnosno da se Općina Novo Sarajevo dovede u poziciju da ovo pitanje konačno riješi?

Na predmetna pitanja Vijeće ministara Bosne i Hercegovine je na 60. sjednici, održanoj 07. 07. 2016. godine, utvrdilo prijedlog obrazloženja na postavljena pitanja.

Ministarstvo za ljudska prava i izbjeglice Bosne i Hercegovine je pripremlilo dopunu obrazloženja na predmetna pitanja, te Vam u skladu sa članom 74. Poslovnika o radu Vijeća ministara BiH („Službeni glasnik BiH“, broj: 22/03), u prilogu ovog akta, dostavljamo dopunu obrazloženja radi razmatranja i utvrđivanja.

Sa poštovanjem,

MINISTRICA
Semih Borovac

Prilog: Kao u tekstu



BOSNA I HERCEGOVINA

VIJEĆE MINISTARA

Broj: _____

Sarajevo, _____ godine

PRIJEDLOG

Zastupnik u Zastupničkom domu Parlamentarne skupštine Bosne i Hercegovine **Nikola Lovrinović** je 22. 3. 2016. godine, u skladu s člankom 166. i 170. Poslovnika Zastupničkog doma Parlamentarne skupštine Bosne i Hercegovine ("Službeni glasnik BiH" br. 79/14, 81/15 i 97/15), Ministarstvu za ljudska prava i izbjeglice Bosne i Hercegovine postavio zastupnička pitanja sljedećeg sadržaja:

1. Da li postoje mogućnosti da se Ministarstvo za ljudska prava i izbjeglice Bosne i Hercegovine uključi u rješavanje obnove stambene jedinice u zgradi kolektivnog stanovanja interno raseljenih osoba gđe Nevenke i g. Branka Filipovića kao i ostalih sličnih slučajeva u BiH ?
2. Da li je u slučaju gđe Nevenke Filipović i g. Branka Filipovića došlo do kršenja ljudskih prava i, ukoliko je do toga došlo, šta se može poduzeti da bi prava ove stranke bila ispoštovana, odnosno da se Općina Novo Sarajevo dovede u poziciju da ovo pitanje konačno riješi?

Na postavljena zastupnička pitanja Vijeće ministara Bosne i Hercegovine na 63. sjednici, održanoj 07.07.2016. godine, utvrdilo je obrazloženje i isto je proslijeđeno g. Lovrinoviću. U svezi sa navedenim obraloženjem, Vijeće ministara Bosne i Hercegovine na ___ sjednici, održanoj _____ godine, je utvrdilo je:

DOPUNU OBRAZLOŽENJA

Podsjećamo da je Ministarstvo za ljudska prava i izbjeglice Bosne i Hercegovine, u okviru svojih mjerodavnosti propisanih člankom 12. Zakona o ministarstvima i drugim tijelima uprave Bosne i Hercegovine ("Službeni glasnik BiH", br: 5/03, 42/03, 26/04, 42/04, 45/06, 88/07, 35/09 i 59/09), a u cilju zaštite ljudskih prava Nevenke Filipović, zatražilo informaciju od Općine Novo Sarajevo o radnjama koje su poduzete u ovom slučaju, uključujući i informaciju o mogućnosti osiguranja adekvatnog smještaja za Nevenku Filipović do okončanja izgradnje zgrade u kojoj će istoj biti dodijeljen zamjenski stan, kao i informaciju od Institucije ombudsmana za ljudska prava BiH o tome da li su izviješteni od Općine Novo Sarajevo o načinu na koji je ispoštovana preporuka Ombudsmana.

Ministarstvo za ljudska prava i izbjeglice Bosne i Hercegovine je i od Ureda za razmatranje žalbi pri Vijeću ministara Bosne i Hercegovine zatražilo informaciju o fazi postupka po uloženoj žalbi u postupku koji se vodi u pogledu izbora najpovoljnijeg ponuđača za usluge projektne dokumentacije.

S obzirom na to da smo zaprimili odgovore institucija kojima smo se obratili, osim Ureda za razmatranje žalbi, iako smo istom uputili i urgenciju, ovim putem želimo da dopunimo obrazloženje koje Vam je već dostavljeno.

Općinsko vijeće Općine Novo Sarajevo, kao i načelnik Općine Novo Sarajevo, dostavili su svoje informacije u vezi sa osiguranjem zamjenske stambene jedinici gđi Nevenki Filipović u kojima su naveli da se isključivo deblokadom postupka rješavanja javne nabavke za odabir najpovoljnijeg izvođača radova na zgradi u Ulici Ivana Gorana Kovačića može riješiti stambeno pitanje imenovane gospođe kao i stambena pitanja ostalih interno-raseljenih osoba na području Općine Novo Sarajevo (ukupno 24 interno-raseljene osobe).

U svezi sa dodjelom zamjenske stambene jedinice gđi Filipović, informirani smo od Općinskog vijeća Novo Sarajevo i Općine Novo Sarajevo da je gđa Filipović aplicirala na Javni oglas za dodjelu stana u zakup na kojima pravo raspolaganja ima Općina Novo Sarajevo, 28. 3. 2013. godine, ali je dostavila nepotpunu dokumentaciju, te njena prijava nije uzeta u razmatranje. Obaviješteni smo da pitanje nacionaliziranih stanova, sa kojima se trebalo pokušati riješiti privremeno stambeno pitanje imenovane, nije razmatrano tako da će isto, najvjerojatnije, biti na dnevnom redu novog saziva Općinskog vijeća Novo Sarajevo.

Institucija ombudsmena za ljudska prava Bosne i Hercegovine nas je obavijestila da je predmet žalbe gđe Nevenke Filipović aktivan, da je u cilju ostvarenja prava žaliteljice koja su neosporno povrijeđena, a što je potvrđeno Preporukom Ombudsmena Bosne i Hercegovine, te da Ombudsmeni Bosne i Hercegovine nastoje korištenjem drugih dostupnih mehanizama osigurati implementaciju Aneksa VII Dejtonskog mirovnog sporazuma u ovom slučaju.

Od Ureda za razmatranje žalbi po javnim nabavkama nismo dobili povratnu informaciju o postupku po žalbi o javnim nabavkama za izradu projektne dokumentacije za izgradnju zgrade u Ulici Ivana Gorana Kovačića iako smo prosljedili i urgenciju.

Međutim, prema našim saznanjima u narednom razdoblju Povjerenstvo za financije Doma naroda Parlamentarne skupštine Bosne i Hercegovine priprema sjednicu na kojoj će kao točka dnevnog reda biti predložena Informacija Agencije za javne nabavke BiH, a u vezi sa deblokadom postupaka po žalbama sukladno sa Zakonu o javnim nabavkama u BiH (oko 500 predmeta).

Nadamo se da će Povjerenstvo za financije Doma naroda Parlamentarne skupštine Bosne i Hercegovine predložiti rješenje po ovim žalbama i da će to, u konačnici, omogućiti nastavak izgradnje zgrade u Ulici Ivana Gorana Kovačića i ostvarenje prava na dom interno-raseljenih osoba za koje je i predviđena izgradnja ovog stambenog objekta.

Sa bratom gđe Filipović, g. Brankom Filipovićom obavili smo razgovor u Ministarstvu za ljudska prava i izbjeglice BiH, 14. 9. 2016. godine, i upoznali ga sa svime navedenim. Gospodin Filipović je izjavio da, s obzirom na neizvjesnost u pogledu okončanja postupaka po žalbi, želi da se njegovoj sestri dodijeli zamjenska stambena jedinica.

Ministarstvo za ljudska prava i izbjeglice Bosne i Hercegovine u slučaju gđe Nevenke Filipović ponovo se obratiti Općini Novo Sarajevo kao i Ministarstvu za rad, socijalnu politiku, raseljena lica i izbjeglica Kantona Sarajevo i u ime ove obitelji zatražiti dodjelu zamjenske stambene jedinice.